

如此一切如次第  
善能了別八尊法  
於宿住等四地中  
善解至得五種類  
依入及界所生罪  
解八種拔迦絺那

能解三十所學處  
解正教相次第方  
解方及依五羯磨  
解過毗尼有五門  
解如世間所決判  
及迦絺那五功德

善解二守不得戒  
善解二守防惡觸  
能分別四布薩業  
了別沙門生具傳  
自他二人及非二  
了義能顯明了德

二十人及十依謝  
了四羯磨及依寂  
智人能了五自恣  
及解沙門五種淨  
能解所作沙門淨  
謂五五十尊師德

此人圓滿佛所讚  
於此等義心使了  
此人於律則明了

毗那耶師德相應  
由讀誦文事行師  
佛說此人不依他

明了論一卷

共三末

子十

婆藪下音鞞舍上音羸弱上音若夫反脰施上  
遲羅逸下音質反柯音迦絺下音剡音浮時掩垣上  
上丸反餉詩尚反螿呼各反撩理上剡音浮時掩垣上  
二音反餉詩尚反螿呼各反撩理上剡音浮時掩垣上  
其反河愷苦改反鈔抄字

阿毗曇入犍度論序

比一

釋道安

阿毗曇者秦言大法也衆祐有所見道果之  
至曠擬性形容執乎真像謂之大也有以道  
慧之至齊觀如司南察乎一相謂之法故曰  
大法也中阿含世尊責優陀耶曰汝詰阿毗

曇乎夫然佛以身子五法為大阿毗曇也定戒  
慧名無佛般涅槃後迦旃延義第以十部經  
漏也浩博難究撰其大法為一部八捷度四十四  
品也其為經也富莫上焉邃莫加焉要道無  
行而不由可不謂之富乎至德無妙而不出  
可不謂之邃乎富邃洽備故故能微顯闡幽

也其說智也周其說根也密其說禪也悉其  
說道也具周則二八用各適時密則二十迭  
為賓主悉則味淨遍遊其門具則利鈍各別  
其所以故為高座者所咨嗟三藏者所鼓舞  
也其身毒來諸沙門莫不祖述此經憲章鞞  
婆沙詠歌有餘味者也然乃在大荒之外葱

領之表雖欲從之未由見也以建元十九年  
劉賓沙門僧伽梯婆誦此經甚利來詣長安  
比丘釋法和請令出之佛念譯傳慧力僧茂  
筆受和理其指歸自四月三十日出至十月  
二十三日乃訖其日檢校譯人頗雜義辭龍  
蛇同淵金鑰共肆者救救如也和撫然恨之

余亦深謂不可遂令更出風夜匪解四十六  
日而得盡定損可損者四卷焉至於事須懸  
解起盡之處皆為細其下梵本十五千七十  
二首盧四十八萬二秦言十九萬五千二百  
五十言其人忘因緣一品云言數可與十門  
等也周攬斯經有碩人所尚者三焉以高座

者尚其博以盡漏者尚其要以研幾者尚其  
密密者龍象翹鼻鳴不造耳非人中之至恬  
其孰能與於此也要者八忍九斷巨細畢載  
非人中之至練其孰能致於此也博者眾微  
眾妙六八曲備非人中之至懿其孰能綜於  
此也其將來諸學者遊槃於其中何求而不  
得乎

阿毗曇八捷度論卷第一

比一

迦旃延子造 符秦劉賓三藏僧伽提婆并竺佛念譯

雜結使智行 四大根定見

八捷度

雜捷度第一

世間第一法

智人愛恭敬

無慚色無義

比一

二

思品最在後

世間第一法跋渠第一

云何世間第一法何以故言世間第一法世間第一法何等繫當言欲界繫耶色界繫耶無色界繫耶世間第一法當言有覺有觀耶無覺有觀耶無覺無觀耶世間第一法當言

樂根相應耶喜根護根相應耶世間第一法當言一心耶當言衆多心耶世間第一法當言退耶不退耶云何頂云何頂墮云何暖此二十身見幾我見我見有幾見若無常有常見於此五見是何等見何等諦斷此見若有常無常見若苦樂見若樂苦見若不淨淨見

若淨不淨見若無我有我見若無因有因見若有因無因見若有無見若無有見於此五見是何等見何等諦斷此見此章義願具演說云何世間第一法答曰諸心心法次第越次取證此謂世間第一法次有說者於諸五根次第越次取證此謂世間第一法如我義

諸心心法次第越次取證是謂世間第一法以何等故言世間第一法答曰如此心心法諸餘世間心心法為上為最無能及者故名世間第一法復次此心心法捨凡夫事得聖法捨邪事得正法於正法中越次取證以是故言世間第一法世間第一法何等繫當言

比一

三

欲界色界無色界繫耶答曰世間第一法當言色界繫非欲界非無色界以何等故世間第一法不當言欲界繫答曰不以欲界道得斷蓋纏亦不能除欲界結乃以色界道得斷蓋纏亦能除欲界結若以欲界道得斷蓋纏亦能除欲界結如是世間第一法當言欲界

繫但不以欲界道得斷蓋纏亦不能除欲界結乃以色界道得斷蓋纏亦能除欲界結以是故世間第一法不當言欲界繫以何等故世間第一法不當言無色界繫答曰於等法中越次取證先從欲界於苦思苦後色無色界同也若聖道起先辨欲界事後色無色界

同也設於等法中越次取證先無色界於苦  
 思苦後欲色界同也若聖道起先辨無色界  
 事後欲色界同也如是世間第一法不當言  
 無色界繫但等法中越次取證先從欲界於  
 苦思苦後色無色界同也若聖道起先辨欲  
 界事後色無色界同也以是故世間第一法

不當言無色界繫復次入無色定除去色想  
 不以無色想分別欲界如緣苦法忍亦緣世  
 間第一法世間第一法當言有覺有觀耶無  
 覺有觀耶無覺無觀耶答曰世間第一法或  
 有覺有觀或無覺有觀或無覺無觀云何有  
 覺有觀乎答曰依有覺有觀三昧得世間第

一法此謂有覺有觀云何無覺有觀乎答曰  
 依無覺有觀三昧得世間第一法此謂無覺  
 有觀也云何無覺無觀乎答曰依無覺無觀  
 三昧得世間第一法此謂無覺無觀世間第  
 一法當言樂根相應耶喜根護根相應耶答  
 曰世間第一法或樂根相應或喜根相應或

護根相應云何樂根相應乎答曰依第三禪  
 得世間第一法此謂樂根相應云何喜根相  
 應乎答曰依第一第二禪得世間第一法此  
 謂喜根相應云何護根相應答曰依未來禪  
 依禪中間依第四禪得世間第一法此謂護  
 根相應世間第一法當言一心為衆多心耶

比一

四

答曰世間第一法當言一心非衆多心以何  
 等故世間第一法一心非衆多心乎答曰若  
 世間第一法中間不起餘世間法唯有無漏  
 若當起者若小若等若妙設使小者不越次  
 取證以何等故不以退道於等法中越次取  
 證若當等者亦不越次取證以何等故本不

以此道越次取證若當妙者彼本心心所念  
 法此非世間第一法若後心心所念法此是  
 世間第一法也世間第一法當言退耶不退  
 耶答曰世間第一法不退也以何等故世間  
 第一法不退乎答曰世間第一法諦順諦滿  
 諦辨無空缺處無所有不起若干心不得思

惟譬如士夫度水度山谷坂若險難處正身不迴身未到頃正意必到世間第一法亦復如是諦順諦滿諦辦無空缺處無所有不起若干心不得思惟譬如五大駛水一為恒迦二為檐扶那三為薩牢四為伊羅跋提五為摩醯盡趣大海無能斷流無能障者盡趣大

海海滿海辦世間第一法亦復如是諦順諦滿諦辦無空缺處無所有不起若干心不得思惟復次世間第一法苦法忍中間彼無有一法疾於心者當於尔時無能制者不得思惟以是故世間第一法當言不退云何頂法云何頂法退答曰譬如漏一刻頃歡喜向佛

法僧如世尊言與十六婆羅門說諸摩那如漏一刻頃歡喜向佛法僧此謂頂法云何頂法退答曰已得頂法若命終已退不復現如有一人與善知識相得從其聞法思惟內校計信有佛道好法順僧色無常痛想行識無常信思惟苦習盡道彼或於餘時不得善知

識不聞法不思惟內校計於世俗信退此謂頂法退云何暖法乎答曰於正法中起慈歡喜如世尊說馬師比丘滿宿比丘此二癡人於我法中無有毫釐暖法此二十身見幾見是我見我所見有幾見答曰五是我見十五是我所見云何五我見乎答曰色我見痛想

行識我見此謂五我見也云何十五我所見乎答曰色我有見我中色色中我痛想行識有我見我中識識中我此謂十五我所見也若無常有常見是邊見苦諦所斷有常無常見是邪邪見盡諦所斷苦有樂見以惡法為最此各見盜苦諦所斷樂有苦見是邪邪見

盡諦所斷不淨有淨見以惡法為最此是見盜苦諦所斷淨有不淨見是邪邪見或盡諦斷或道諦斷若盡觀不淨此邪邪見盡諦所斷若道觀不淨此邪邪見道諦所斷無我有我見是身邪邪見苦諦所斷有因無因見是邪邪見習諦所斷無因有因見無作因作此

戒盜苦諦所斷若有而言無見是邪邪見或苦諦斷或習諦斷或盡諦斷或道諦斷若言無苦此邪邪見苦諦所斷若言無習盡道此邪邪見習盡道斷若無而言有見此非見此邪邪智世間第一法跋渠竟梵本五百二十八首盧智跋渠第二

頗有一智知一切法乎頗有一識識一切法乎頗有二心展轉相因乎頗有二心展轉相緣乎以何等故一人前後二心不俱生乎若人不可得亦無前心而就後心以何等故憶本所作以何等故憶識彊記以何等故憶而不憶以何等故祭祀餓鬼則得祭祀餘處不比一

得當言一眼見色耶二眼見色耶耳聲鼻香亦復如是諸過去者一切無現耶若無現者一切過去乎諸過去者一切盡耶若盡者一切過去乎諸過去者一切沒乎若沒者一切過去耶若苦生疑是苦非苦耶當言一心為衆多心若習盡道生疑是道非道耶當言一

心為衆多心乎頗有一心有疑無疑乎云何各身云何句身云何味身有佛世尊告諸弟子汝等癡人此義云何以何等故佛世尊告諸弟子汝等癡人乎有六因相應因共有因自然因一切遍因報因所作因云何相應因云何共有因云何自然因云何一切遍因云

何報因云何所作因若心使俱諸使心俱彼使此心所使耶設使心所使此心俱使彼使此心俱使耶若心使俱諸使心俱彼使此心當斷耶設使心當斷此心俱使彼使此心俱斷耶滅因識云何滅因識滅因識幾使所使此章義願具演說

頗有一智知一切法乎答曰無也若此智生一切諸法無我此何所不知乎答曰不知自然不知共有法不知相應法也頗有一識識諸法乎答曰無也若此識生一切諸法無我此何所不達答曰不識自然不識共有法不識相應法頗有二心展轉相因乎答曰無也比一

七

此非一人若前未來俱生二心非未來心與前心因頗有二心展轉相緣乎答曰有若一思惟無當來生心彼當念時便生二心若思惟有當來生心彼當念時便生二心若念無當來道生心彼當念時便生二心若念有當來道生心彼當念時便生二心若二有知他

人心展轉心作緣以何等故一人前後二心不俱生答曰無有第二次第緣衆生一一心轉如人不可得空也前心不往後心云何憶本所作答曰衆生法中得如此智憶本所作譬如刻印作字有所印處知字則現亦知他所作已所作亦自知彼亦不從來問我亦不從往問汝作何字彼亦不答我作是字如印所作字自知作字自所作亦知他人所作亦知如是衆生法隨所作則知所作法亦知譬如如有兩人知他人意各各相因心彼一不從二問汝云何相因彼亦不作是答我作如是因緣亦知他人意法得如是意各各相因如

是衆生法得如是智隨前法則知復次一切心所念法定有因緣及修意所作有力意常不忘失以何等故憶而復憶答曰衆生之法心自然迴彼次第智生修意力強專意不忘以何等故憶而不憶答曰衆生之法意不自迴彼不次第智生意漸漸微亦常多忘以何

等故祭祀餓鬼則到非餘處也答曰此道自亦生入處法受身分亦是故得到譬如鳥鴛鴦鴈鶴孔雀鸚鵡千秋共命鳥能飛虛空然鳥不神於人不大於人神力不能勝人德不能大人法自應亦生彼受身而飛行譬如一泥犁一畜生道一餓鬼界皆識宿命亦知他意亦能雷電興雲風雨作此種種然不能勝人神不能大人力不能勝人然其法自亦生入受身所作便果復次有人長夜行姪如是貧如是念如是欲如是思惟彼便取婦生兒爲兒取婦爲孫取婦亦作是言我當有兒兒當有兒我死後若墮餓鬼復當念我與我搏

食彼長夜作如是欲作如是念作如是貪作是思惟所念便果當言一眼見色耶二眼見色耶答曰二眼見色以何等故二眼見色答曰如合一眼而視色不淨便起不淨識如開兩眼而視色便起淨識如合一眼而視色起淨識如開兩眼而視色起不淨識不得作是

說兩眼見色但合一眼而視色起不淨識開兩眼視色起淨識是故兩眼見色如合壞滅沒亦如是耳聲鼻香亦復如是諸過去者一切不現耶答曰或過去非不現云何過去非不現答曰如優陀耶言一切結過去於園離園去於欲不染欲如鍊真金是謂過去非不

現云何不現非過去答曰如有一人乘神足不現或以呪術或藥草此謂不現非過去云何過去亦不現答曰諸行起始起生始生成始成得盡去無現變易過去世過去世攝過去世是為過去亦不現云何不過去亦不現答曰除上介所事諸過去者一切盡乎答曰

或過去非盡云何過去非盡答曰如優陀耶言一切結過去於園離園去於欲不染欲如鍊真金此謂過去不盡云何盡不過去答曰如世尊言是謂聖弟子盡地獄畜生餓鬼趣惡道此謂已盡不過去也云何過去盡乎答曰諸行起始起生始生成始成得盡去無現

比一

九

變易過去世過去世攝過去世是過去亦盡云何非過去非盡答曰除上介所事復次我今當說結結或過去非盡或盡非過去或過去亦盡或不過去亦不盡云何過去不盡答曰諸過去結不盡有餘不滅不吐此謂過去不盡云何盡不過去乎答曰諸未來結已盡

無餘已滅已吐此謂盡不過去云何過去亦盡答曰過去結已盡無餘已滅已吐此謂過去已盡云何不過去亦不盡答曰未來結不盡有餘不滅不吐及現在諸結此謂不過去亦不盡諸過去者盡沒乎答曰或過去不沒云何過去不沒答曰如優陀耶言一切結過

去於園離園去於欲不染欲如鍊真金此謂  
過去不沒云何沒非過去乎答曰我今當說  
隱小事如小舍言舍沒街巷器小眼見色言  
眼沒此謂沒非過去云何過去亦沒答曰諸  
行起始起生始生成始成得盡去無現變易  
過去世過去世攝過去世是為過去亦沒云  
何非過去亦非沒答曰除上尔所事復次我  
今當說結或過去非沒或沒非過去或過去  
亦沒或不過去亦不沒云何過去非沒答曰  
諸過去結未盡有餘不滅不吐是謂過去非  
沒云何沒不過去答曰諸未來結已盡無餘  
已滅已吐是謂沒不過去云何過去亦沒答  
曰諸過去結已盡無餘已滅已吐是謂過去  
亦沒云何不過去亦不沒答曰未來結不盡  
有餘不滅不吐及現在結是謂不過去亦不  
沒若苦生疑是苦非苦當言一意耶為衆多  
意耶答曰是苦一意無苦二意若習盡道生  
疑是道非道當言一意耶為衆多意邪答曰

是道一意無道二意頗有一意是疑不疑耶  
答曰無也於苦有疑於苦無疑非為苦疑非  
為苦無疑於習盡道疑於道無疑非為道疑  
非為道無疑云何名身云何句身云何味身  
名身云何答曰名者分別語有增數想施設  
說轉名是為名身云何句身答曰如句身得

止一

十

義滿記彼此業世尊亦說

諸惡莫作 諸善奉行 自淨其意 是諸佛教  
諸惡莫作此一句諸善奉行此二句自淨其  
意此三句是諸佛教此四句如是句義滿記  
彼此業是謂句身云何味身答曰字身說味  
身世尊亦說頌是偈相字是味相名是依偈  
造者偈體如是字說味身是說味身如佛世  
尊告諸弟子稱言癡人此義云何以何等故  
佛世尊稱言癡人答曰佛世尊法中不順戒  
行犯衆過事無果實行故稱癡人復次佛世  
尊不順教誡教使順法故稱癡人是佛世尊  
常訓誨語如今和尚阿闍黎教誨弟子稱言

癡人所作非法造不善事佛世尊亦復如是  
 告諸弟子稱曰癡人有六因相應因共有因  
 自然因一切遍因報因所作因云何名相應  
 因答曰痛痛相應法相應因中因痛相應法  
 痛相應因中因想思更樂憶欲解脫念三昧  
 慧慧相應法相應因中因慧相應法慧相應

因中因是謂相應因云阿共有因答曰心心  
 所念法共有因中因心所念法心共有因中  
 因復次心心所迴身行口行共有因中因復  
 次心心所迴心不相應行共有因中因心所  
 迴心所迴心不相應行心共有因中因復次  
 共生四大展轉共有因中因是謂共有因中因  
比一 十一

因展轉  
相生義  
 云何自然因答曰本生善根後生善根與善  
 根相應法自界自然因中因過去善根未來  
 現在善根與善根相應法自界自然因中因  
 過去現在善根未來善根與善根相應法自  
 界自然因中因無記根亦復如是四痛一愛  
二五邪見

三橋慢  
四無明  
 本生不善根後生不善根與不善根相應法  
 自然因中因過去不善根未來現在不善根  
 與不善根相應法自然因中因過去現在不  
 善根未來不善根與不善根相應法自然因  
 中因是謂自然因云何一切遍因答曰前生

苦諦斷一切遍使後生習盡道思惟斷使與  
 使相應法自界一切遍因中因過去苦諦斷  
 一切遍使未來現在習盡道思惟斷使與使  
 相應法自界一切遍因中因過去現在苦諦  
 所斷一切遍使未來習盡道思惟斷使與相  
 應法自界一切遍因中因習諦所斷亦復如

是此謂一切遍因云何報因答曰諸心心所  
 念法受報色心心法心不相應行彼心心法  
 此報報因中因復次諸身口行受報色心心  
 法心不相應行是彼身口行此報報因中因  
 復次諸心不相應行受報色心心法心不相  
 應行彼心不相應行此報報因中因是謂報

因云何所作因答曰眼緣色生眼識彼眼識  
眼所作因中因若色彼共有法彼相應耳聲  
耳識鼻香鼻識舌味舌識身細滑身識意法  
意識彼共有法彼相應色法無色法可見法  
不可見法有對法無對法有漏法無漏法有  
為法無為法如是諸法所作因除其自然耳

鼻舌身意緣法生意識彼意識意所作因中  
因若彼法共有法彼相應眼色眼識耳聲耳  
識鼻香鼻識舌味舌識身細滑身識彼共有  
法彼相應色法無色法可見法不可見法有  
對法無對法有漏法無漏法有為法無為法  
如是諸法所作因中因除其自然是謂所作

比

十二

因若心使俱諸使心俱彼使此心所使耶答  
曰或所使或不所使云何所使答曰諸使未  
盡此所使云何不所使答曰諸使盡此不所  
使設使心所使此心俱使彼使此心俱使耶  
答曰或是彼非餘或是彼是餘云何是彼非  
餘答曰苦智生習智不生若心習諦所斷苦

諦所斷緣此謂是彼非餘云何是彼是餘答  
曰人染污心一切被縛繫此謂是彼是餘若  
心使俱諸使心俱彼使此心當滅耶答曰或  
滅或不滅云何滅答曰諸使於彼緣滅是謂  
滅云何不滅答曰諸使於彼緣未盡是謂不  
滅相應諸使此使何所滅答曰諸使緣滅也

如是汝語使緣滅答曰如是若作是語諸使  
盡諦道諦所斷無漏緣此使何所滅此滅彼  
滅此事不然如向者語諸使盡諦道諦所斷  
有漏緣此盡使當言盡設諸使心所斷此斷  
心俱使彼使此心俱使耶答曰或是彼非餘  
或是彼是餘云何是彼非餘答曰若心無染

思惟所斷此謂是彼非餘云何是彼是餘答  
曰若心有染此謂是彼是餘盡緣識云何答  
曰苦智生習智未生若心習諦所斷苦諦所  
斷緣是謂盡緣識彼識幾使所使答曰十九  
一心耶不也欲受未盡苦智生習智未生若  
欲界心習諦所斷苦諦所斷緣是謂盡緣識

此識幾使所使答曰欲界習諦所斷七欲愛  
盡色愛未盡苦智生習智未生若色界心習  
諦所斷苦諦所斷緣是謂盡緣識彼識有幾  
使所使答曰色界習諦所斷六色愛盡無色  
愛未盡若苦智生習智未生若無色界心習  
諦所斷苦諦所斷緣此謂盡緣識彼識幾使

所使答曰無色界習諦所斷六

第二智跋渠竟梵本二  
百三十首盧長二十字

十三末

阿毗曇卷第一

雜捷度之一

比一

跋渠

上蒲坂反音頃

駛

使史醯反呼方

毫羣

下力彊記

又去聲祭祀

似下音搏食

上音陘

狹二同侯夾  
反下正

平江路西竺禪寺住持 正解謹發心捨施中統鈔于定助刊

大藏經板所集 功德保祐山門平善中外咸安更冀自身發發堅固壽

筭延長者 大德十年八月十五日

阿毗曇八捷度論卷第二

比二

迦旃延子造

符春廟身三藏僧伽提婆譯

雜捷度之二

人跋渠第三

一人此生十二種緣幾種過去幾種未來幾  
種現在又世尊言無明緣行受緣有彼云何

無明緣行

云何受緣有無明緣行受緣有有何差別頗

行緣無明非緣明緣明不緣無明不緣明不

緣無明那出息入息當言依身迴當言依心

迴耶如色界衆生依身心迴如是無色界衆

生依何所迴心無有中愛當言見諦斷當言

思惟斷無有名是何等法又世尊言彼欲心

得解脫瞋恚愚癡心得解脫何等心解脫

有欲無欲有瞋恚無瞋恚有愚癡無愚癡過

去未來現在未解脫心當言解脫耶已解脫

心當言解脫耶又世尊言於是當習厭無婬

習無婬解脫習解脫泥洹彼云何厭云何無